

富平縣志

卷一
志六

平縣志卷之七

人物志

人材何代無之夫生其地而懿行弗彰則守土者之過也彼載在國史名位俱顯者尙已然或抱曲學而所至有聲或負潛德而終身泯沒亦何可勝數聖門論人取其所長畧其所短志之微意存焉富平關中奧區也漢唐迄今其間名臣巨卿生爲國楨死而祀於其社猗歟盛哉至里閭中孝義節烈凜然與日月爭光善雖小必彰人雖微必錄凡以令人知太上立德一介之夫箕帚之婦皆得與

薦紳碩彥爭名業而同不朽也作人物志第七

名宦

漢

尹賞字子心鉅鹿人成帝時以廉舉令粟邑有治聲馮翼太守薛宣見而奇之時頻陽多盜令薛恭不能治宣調賞治之境內以安

梁肅負文武才爲頻陽令時劉曜攻長安三輔騷然安平太守賈疋威名甚著肅將附疋計恢復遷諸塗遂抵平南將軍率衆攻曜

令狐整燉煌人徙家中華爲中華守時郡務草創
整一切調停稱良守焉

李大亮涇陽人忠謹剛烈少負奇節高祖入關授
主門令歲饑盜聚撫疲民墾畝教耕歲大熟又
擊盜盡平無何外寇至單騎往曉以禍福遂降
之帝聞大悅累擢至工部尙書卒諡曰懿陪葬
昭陵

張行成字德立義豐人擢制舉乙科爲陳倉尉

富平簿有能名補殿中侍御史糾劾嚴正累官
至尙書左僕射太子少傅

崔衍安平人天寶末擢明經調富平尉尋調清源
令勸民力田懷附流亡觀察使馬燧表其能徙
美原尉儉約畏法祿周親族葬埋嫁娶依以濟
者甚衆時建言民瘼德宗嘉之詔爲觀察使卒
日以遺惠在民贈工部尙書仍錄其嗣諡曰懿
裴埒字強中絳州聞喜人擢進士第以賢良方正
對策第一補美原尉後遷考功員外郎累擢中
書侍郎同中書門下平章事加集賢殿大學士

胡珣爲富平尉長於吏治剖決如流一府稱其

斷

宋

司馬炫夏縣人溫公曾祖舉進士以氣節著爲富平令在官未幾境內大治

張龜年天聖中爲富平令以循良稱民愛戴之明道時詔增秩再任順民望仍以治行風告天下王哲令富平時邑多淫祠哲痛革之毀赤眉祠以祀李光弼又封其墓書其碑曰使後世知忠良勤勞可祀百世

侯延廣平遙人端拱間爲同麟坊延丹緣邊都巡檢使時叛卒劉渥嘯聚亡命寇富平謀入京兆勢甚盛廣率兵自間道追至縣西十五里及之渥素憚廣傳言我輩草間求活侯公何與亡卒爭湏臾命廣怒挺身出擊戰大樹下斷渥右臂旋就擒羣盜喪氣稍稍自歸關內以定上嘉其功擢拜崇儀使

劉湜字子正彭城人舉進士爲富平令有盜掠人子女旣就擒陽死伺間逸去追獲復陽死湜更其屍後拜監察御史

高文林令美原有惠政值歲旱禱於頻泉翌日
雨林曰是福地也遂祠之事載趙節度推官記
中
王居仁政和中爲美原令旱甚禱罔應仁迎神園
亭率僚禱頻山祠未幾大雨歲熟

元

楊朝列大定人大德間令富平重農課桑誨士尤
諄人愛戴之時關內多蝗獨不入境民爲立祠
在王寮鎮左有碑

王會字彥嘉新野人至正間爲富平守禦時郵亭

供費浩繁民苦之會易以市廛俾得息肩又疏
永潤濱河諸渠灌田旱不爲災近山田遇雨水
溢輒壞教民築隄賴以無虞

明

孫義洪武十五年任承元末極敝事皆草創躬行
儉約飭簠簋以爲民先建社稷風雲雷雨山川
暨邑厲諸壇

張得先洪武二十三年任時中原初定衆庶艱食
首建招福平臯頻陽永潤四鄉社倉以贍閭閻
民利賴焉

石碓縣人監生永樂四年任且明與之
五年始終公勤有樂只愷悌風

高應舉大足人正統六年以監生任謹厚雅飭實
心幹濟扶弱鋤強不少假借在事九年廢墜畢
張縣倉預備倉皆移置今所城隍祠尤極力崇
飾嘗微行過酒肆聞人問酒何如酒家曰高知
縣問者訝叩之曰徹底清父老至今傳之

馬元保定人景泰四年任慨然以興學爲已任月
試旬課日有講明又躬行道義爲諸士先儒風
王大振邑科目題名自元設

王傑字時英天順三年以監生任多才能爲政識大體兼練民情新縣治修文廟聲名籍甚

韓楷山東人舉人成化六年任性剛介寡言笑暴橫者憚若神明重修文廟毫不累民

郭鎔成化十年任政尙勤儉務大體絕苞苴建鼓樓及吏胥諸房多所興革時稱循吏

張本河南人舉人成化十九年任質直尙義民不敢欺尤注意庠序設後堂於明倫堂北左右各翼五楹以處師儒士追思之

陳潤字維澤大興籍臨安人進士宏治元年任持

己公廉平易近人民愛之馭吏嚴而恕初闢
門廣明倫堂爲五楹文教煥然陞沔陽知州

李良字從善固始人舉人宏治六年任擔當喜任
事建學舍醫學陰陽學修永興橋又議纂縣志
未卒事去

呂子固解州人舉人宏治初爲富平教諭性剛正
立教嚴肅晝課生儒於堂夜秉燭巡視漏下三
滴始罷不率教者予夏楚多所成就兼喜著作
縣令李良屬纂邑志惜未就

李壽昌太原人進士正德年任有才幹善折獄興

革得宜操守嚴正百姓畏之時後先尹縣者以
昌爲第一

劉藻字文潔彭縣人舉人正德十一年任有風力
不拘小節

王宗源字文淵吳橋人舉人正德十一年任方正
有守號明斷視篆未幾卒邑人涕泣送之

楊玳字文瑞太原人監生正德十三年任端凝老
成而剖決如流凡前令修葺未竣事極力成之
羅星威遠人監生嘉靖初任訓導性方正言動不
苟士類式之時縣尹稍易其車官去其風節

此

胡山富順人舉人胡文定公後嘉靖四年調富平
令初令白水多所建白慷慨負奇氣遇盤錯身
任之時巨寇劉朝臣大小馬暨遊俠者驕橫武
斷閭閻側目山首捕之置重典又以法繩豪右
四野肅然遇生儒恩義兼隆創經閣繕學宮文
風丕振陞易州知州去父老攀卧輿至不得行
又刊碑記其惠

楊時泰號恒南正定人進士嘉靖八年任勁直著
清節接人蒞事一過不忘富邑田故無井教設

桔槔兼疏渠灌溉歲不能災又白所轄發廩賑
貧居一年邑稱大治調繁章邱百姓刻碑誌德
光祿卿馬理紀之

劉希簡號了庵漢州人進士嘉靖九年以給事中
左遷富平令剛毅挺直節不可奪搏擊強豪不
遺餘力守尤清嚴又建新城書院以造士甫期
年邑稱大治後因公罰調用人咸惜之官終鞏
昌知府

韓嘉會眉州人舉人嘉靖十三年任優文學守清
苦每朔望誓廟曰嘉會清歸神必福歸焉言驗

歸神必禍歸聞者凜然以憂去

高義葉縣人舉人嘉靖十五年任外柔內剛禮師
儒撫瘡痍不愧良吏陞平涼苑馬寺寺丞

張續安陽人舉人嘉靖十九年任政尙和易然不
可干以私

劉煦霍州人舉人嘉靖二十二年任性醇惠聽訟
能盡民情催科尙寬人不忍欺洪水故述賦後
稱良里完額自煦始

胡志夔號濟南安邑人進士嘉靖二十四年任器
局整肅人望而畏之令出人弗敢違建鼓樓磚

埤暨諸堡牆在事四年以異政徵拜監察御史
官至巡撫榆林都察院右僉都御史

劉尙禮汾州人舉人嘉靖二十九年任才氣英發
抑強扶弱又旌善者以勵風教未幾以憂去

何通衢巴州人舉人嘉靖三十年任清操自持寬
嚴得宜不愧循吏以忤府調用

趙桐號嶧山絳州人進士嘉靖三十二年任宏濶
不羈然聰明過人制作倚馬立辦人共推之愛
才禮士尤極誠切

祝安洛陽人舉人嘉靖間爲富平教諭善屬文在